



KVINNHERAD KOMMUNE
Rosendalsvegen 10
5470 ROSENDAL

Saksbehandlar, innvalstelefon
Anne Vibeke Barkved, 5764 3117

Tildelingsbrev - stimuleringsmidlar til eigeninitiert utviklingsprosjekt - "Kompetanseløft vald og overgrep"

Vi viser til søknad frå dykk av 27.05.2025.

Tilskotsordninga er ein del av kompetansestrategien for det kommunale barnevernet, og skal medverke til å stimulere til teneste- og tiltaksutvikling i kommunane for å styrke oppfølginga av utsette barn og familiane deira. I 2025 har Statsforvaltaren i Vestland kr 1 840 573,- i tilskotsmidlar til disposisjon til å støtte kommunane sine eigeninitierte utviklingsprosjekt som er forankra i kommunale læringsnettverk.

Kvinnherad som vertskommune søkjer i samarbeid med Ullensvang kommune om kr 200 000,- til vidareføring av utviklingsprosjektet «*Kompetanseløft – vald og seksuelle overgrep*». Det går fram av søknaden at de har avtale om samarbeid med RVT Vest, Krisesenter Vest, Statens barnehus og Kvinnherad Lensmannskontor. Formålet med prosjektet er å sikre implementering og digitalisering av «E d greitt?», samt klargjere produktet for deling med andre kommunar.

De starta opp prosjektet i 2020 og fekk tildelt 481 830,- i stimuleringsmidlar, jamfør brev av 20.11.2020. De søkte om nye stimuleringsmidlar våren 2021, og fekk tildelt 505 000,- jamfør brev av 22.06.2021. I 2022 fekk de tildelt kr 500 000,- i stimuleringsmidlar, jamfør brev av 23.06.2022. I 2023 fekk de tildelt 325 026,- jamfør brev av 23.06.2023. I 2024 fekk de tildelt 235 531,- jamfør brev av 21.06.2024. De fekk også 450 000,- i skjønnsmidlar i 2024.

De søker no om midlar til digital innspeling av undervisningsopplegget «E d greitt?» slik at modellen kan være lett tilgjengeleg for andre kommunar og som offentleg informasjon om at undervisningsopplegget finnes. I søknaden har de grunngjeve behovet for digitalisering av undervisningsmateriellet og dermed å gjere det klart til deling med andre kommunar. Vi vurderer at prosjektet stettar dei vilkåra som Barne,- ungdoms- og familiedirektoratet har sett for tilskotsmidlane, og at det de har utvikla har stor overføringsverdi til andre kommunar.



Statsforvaltaren i Vestland løyver med dette 200 000,- til utviklingsprosjektet «*Kompetanseløft – vald og seksuelle overgrep*». Vi vil betale ut pengane etter at vi har motteke vedlagte skjema for stadfesting på at de aksepterer dei kriteria for løyvinga som kjem fram i dette brevet. Stadfestinga (vedlegg 1) må de sende til Statsforvaltaren **innan 15.09.2025** merka med referansenummer **2025/2230**.

Løyvinga skal nyttast til digital innspeling i studio og utgifter i samband med dette.

De kan ikkje nytte dei tildelte midlane til andre føremål. Dersom de ønskjer å omdisponere tilskotet innafør same føremål, må de avklare dette skriftleg med Statsforvaltaren på førehand.

Tilskotet må nyttast innan utgangen av 2026. Dersom løyvingane ikkje kan nyttast etter føresetnadane, skal de betale pengane attende til Statsforvaltaren. Statsforvaltaren, Barne,- ungdoms- og familiedirektoratet og Riksrevisjonen kan i samsvar med reglane i det statlege løyvingsreglementet kontrollere at løyvinga vert nytta etter føresetnadane.

Revisorattestert rekneskap, rapport om prosjektet og bruken av pengane skal de sende til Statsforvaltaren innan 01.02.2027. Rekneskapen må de setje opp på ein slik måte at Statsforvaltaren kan kontrollere at løyvinga er nytta i tråd med føresetnadane.

Svar på dette brevet skal de sende til vårt postmottak: sfvlpost@statsforvaltaren.no

Praktiske spørsmål knytt til prosjektet kan de sende til kontaktperson hjå Statsforvaltaren: Bente Cecilie Foss på e-post: bente.foss@statsforvaltaren.no

Med helsing

Øystein Breirem Jacobsen
seksjonsleiar

Anne Vibeke Barkved
seniorrådgjevar

Dokumentet er elektronisk godkjent

Kopi til:

ULLENSVANG KOMMUNE

Opheimsgata 31

5750

ODDA